



CORONAVIRUS

NOTA INFORMATIVA SOBRE A APERTURA DAS ZONAS DE BAÑO NA FASE 2 DO PLAN PARA A TRANSICIÓN CARA UNHA NOVA NORMALIDADE

Debido á emerxencia do coronavirus, o Ministerio da Presidencia publicou o *Real Decreto 463/2020, do 14 de marzo, polo que se declara o estado de alarma para a xestión da situación de crise sanitaria ocasionada polo COVID-19.*

Na Orde SND/399/2020, de 9 de maio, para a flexibilización de determinadas restriccións de ámbito nacional, establecidas trala declaración do estado de alarma en aplicación da fase 1 do Plan para a transición cara unha nova normalidade, no seu artigo 41.3 exclúe de forma explícita da apertura das instalacións deportivas ao aire libre as zonas de auga.

A Orde SND/414/2020, do 16 de maio, para a flexibilización de determinadas restriccións de ámbito nacional establecidas trala declaración do estado de alarma en aplicación da fase 2 do Plan para a transición cara unha nova normalidade permite o acceso ás praias baixo certas condicións.

Esta orde foi modificada pola Orde SND/440/2020, de 23 de maio, pola que se modifican diversas ordes para unha mellor xestión da crise sanitaria ocasionada polo COVID-19 en aplicación do Plan para a transición cara unha nova normalidade e SND/440/2020, de 26 de maio, pola que se modifica a Orde SND/271/2020, de 19 de marzo, pola que se establecen instrucións sobre xestión de residuos na situación de crise sanitaria ocasionada polo COVID-19 e pola Orde SND/414/2020, de 16 de maio, para a flexibilización de determinadas restriccións de ámbito nacional establecidas trala declaración do estado de alarma en aplicación da fase 2 do Plan para a transición cara unha nova normalidade, nas que establecen máis normas sobre o uso das praias.

O obxecto desta nota é facilitar aos concellos a información sobre as condicións de acceso ás praias na fase 2 do Plan para a transición cara unha nova normalidade, para telas en conta na dita fase.

1) Recomendacións para a apertura das zonas de baño

As recomendacións para a reapertura da actividade das zonas de baño trala crise do COVID-19 elaboradas polo Ministerio veñen recollidas no enlace https://www.mscbs.gob.es/profesionales/saludPublica/ccayes/alertasActual/nCov-China/documentos/Recomendaciones_apertura_playas.pdf





CORONAVIRUS

2) Normas que establecen as Ordes SND/414/2020, SND/440/2020 e SND/445/2020

2a) Uso das praias

Artigo 46. *Uso das praias.*

1. O tránsito e permanenza nas praias, así como a práctica de actividades deportivas, profesionais ou de recreo, realizaranse nos termos previstos no apartado 2 do artigo 7 desta orde, sempre que se poidan desenvolver individualmente e sen contacto físico, e que se manteña unha distancia mínima de dous metros entre os participantes.

2. Permítese o uso de duchas e lavapés ao aire libre, aseos, vestiarios e outros servizos públicos similares. A súa ocupación máxima será dunha persoa, agás naqueles supostos de persoas que poidan precisar asistencia, en cuxo caso poderán contar co seu acompañante. Deberá reforzarse a limpeza e desinfección dos referidos aseos garantindo sempre o estado de salubridade e hixiene dos mesmos.

3. Os bañistas deberán facer un uso responsable da praia e as súas instalacións, tanto desde o punto de vista medioambiental como sanitario, cumprindo para iso coas recomendacións e normas establecidas polas autoridades sanitarias.

4. A ubicación dos obxectos persoais, toallas, tumbonas e elementos similares levarase a cabo de modo que se garanta un perímetro de seguridade de dous metros con respecto a outros usuarios, agás no caso de bañistas convivintes ou que non superen o número máximo de persoas previsto no apartado 2 do artigo 7 desta orde. As tumbonas de uso rotatorio deberán ser limpadas e desinfectadas cando cambie de usuario.

5. Os concellos poderán establecer limitacións tanto de acceso, que en todo caso será gratuito, como de aforo nas praias a fin de asegurar que se respecta a distancia interpersoal de, polo menos, dous metros entre bañistas. Así mesmo, para os efectos de garantir o seu disfrute polo maior número posible de persoas en condicións de seguridade sanitaria, poderán tamén establecer límites nos tempos de permanencia nas mesmas, así como no acceso aos aparcamentos en aras a facilitar o control do aforo das praias.

A efectos de calcular o aforo máximo permitido por cada praia, considerarase que a superficie de praia a ocupar por cada bañista será de aproximadamente catro metros cadrados.

6. Os concellos asegurarán que se realiza unha limpeza e desinfección das instalacións e bens das praias usando para iso substancias que non resulten perxudiciais para o medioambiente.





CORONAVIRUS

7. Lembrarase aos usuarios mediante cartelería visible ou outros medios as normas de hixiene e prevención a observar, sinalando a necesidade de abandonar a instalación ante calquera síntoma compatible co COVID-19.

8. As actividades de hostelería e restauración que se realicen nas praias, incluídas as descubertas, con concesión ou autorización de ocupación ou aproveitamento do dominio público marítimo-terrestre, rexiranse polo establecido nesta orde para o réxime de hostelería e restauración, sen perxuízo do disposto na lexislación sectorial aplicable.

Os responsables de negocios de motos acuáticas, hidropedais e de cualesquiera outros elementos deportivos ou de recreo deberán cumprir co disposto nas ordes específicas para comercio minorista e, de modo particular, en todo o que se refire a hixiene e desinfección. Todos os vehículos deberán ser limpados e desinfectados antes de cada uso

2b) Medidas de seguridade nas praias

Artigo 7. Liberdade de circulación.

2. En todo caso, deberán respectarse as medidas de seguridade e hixiene establecidas polas autoridades sanitarias para a prevención do COVID-19, e, en particular, as relativas ao mantemento dunha distancia mínima de seguridade de, polo menos, dous metros, ou, no seu defecto, medidas alternativas de protección física, de hixiene de mans e etiqueta respiratoria. A estes efectos, os grupos deberían ser dun máximo de quince persoas, agás no caso de persoas convivintes.

Santiago de Compostela, 28 de maio de 2020

